

Astrid Lindgrena muitalusaid Pippi birra dovdet eanaš mánát. Lindgren lei ge meašttir oahpes ja dábálaš sániiguin muitalit miellagiddevaš muitalusaid.

Pippi Guhkessuohkku lea nieida gii ássá okto. Sus lea heasta ja son lea máilmmi gievrramus nieida. Su ránnját leaba Tommy ja Annika, ja sii deaivvadit dávjá stoahkat ovttas.

Go Pippi álggii skuvlii

-Don it oppa jáhke ge man somá lea skuvllas, -ja man šiega oahpaheaddji lea, dajaiga Tommy ja Annika muhtin maŋŋágaskabeaivve go leigga Pippi guossis, diedusge maŋŋá go leigga leavssuiguin geargan. –Mus livčče hui váivi jos in beasašii skuvlii, dajai Annika. Pippi čohkkái renkkos ja basai iežas julggiid ovttá lihtis. Son ii jienádan maidege, dušše lihkahattai juolgesuorpmaid nu ahte olles láhtti lei visot njuoskan.

-li doppe dárbbáš leat nu guhkká, dušše guovtte áigái, -na ja de lea juovlaluopmu, beassášluopmu ja geasseluopmu, dajai Annika. Pippi smiehtadalai muhto ii vástidan maidege. Fáhka son gomihii čáhcelihti miehtá láhtti. Son lei suhttan. –Dien mun in gal dohkket, dajai Pippi. –Maid?, jearai Tommy. –Njeallje mánu geahčen lea juovlaluopmu, ja doai oažžubeahtti juovlaluomu. –Muhto mun, maid mun oaččun? – In oačču juovlaluomu. Pippis lei váivi, -in juovlaluomu ge.

-li dás ferte juoidá dahkkot. –Ihttin álggán skuvlii, dajai Pippi. Tommy ja Annika speaččuiga gieđaid ja illudeigga. –Man buorre, moai vurde du verrát luhtte, ihttin, dii: 08:00. Ii-hii, nu árrat mun in gal sáhte álgit, ja mun jáhkán mun áiggun riidet skuvlii. Nu son dagai. Juste dii: 10:00 son loktestii heastta vulos boardagis. Veaháš maŋŋelaš olbmot guovlagohte glásaid ráigge olggos, go gádde ahte muhtin ealli lei luovus beassan ja álgán njuikut ja ruohttat. Muhto nu dat ii lean gal diedusge. Dat lei dušše Pippi geas lei veaháš hoahppu. Njolggi son joavddai skuvlii, njuikii heasttas eret ja čanai dan muhtin soahká. Son rávádii

klássalanjauvssa rabas, nu ahte Tommy ja Annika ja buot sudno skuvlaskihpárat hirpmástuvve.

-Hei, čurvii Pippi, boadán go rivttes áigái? Tommy ja Annika leigga muitalan oahpaheaddjái ahte muhtin ođđa oahppi lei álgimin skuvlii, ja ahte su namma lei Pippi. Oahpaheaddji lei gullan Pippi birra, ja son lei mearridan ahte son áiggui dahkat Pippi skuvlladili somáin. Pippi čohkkedii muhtin guorus beavdái, váikke ii oktage lean dáhttun su čohkkedit. Oahpaheaddji gal das ii beroštan. –Bures boahtin skuvlii, Pippiš, dajai son. –Mun sávan ahte don loavttát bures ja ahte don oahpat ollu. –Jo, ja mun sávan ahte mun oaččun juovlaluomu, dajai Pippi. – Danne lean mun deike boahtán.

-Dál fertet muitalit namat, vai mun beasan čálihit du sisa skuvlii, dajai oahpaheaddji. –Mu namma lea Pippilotta Viktualia Rullgardina Krusemynte Efraimnieida, Guhkessuohkku. – Efraim lea mu áhči namma. Ovdal lei son ábiid balddonas, muhto dál son lea dušše gonagas. Pippi lea beare mu gohčodannamma. Áhči mielas lei Pippilotta menddo guhkes ja váttis namma dadjat. – Jo, dalle mii gohčodat du Pippin, dajai oahpaheaddji. Dál mii várra beassat gullat maid don máhtát? Don leat nu stuorra nieida ahte don gal várra máhtát ollu. Jos mii mat álgit rehkegin. –Na Pippi, sáhtát go muitalit man ollu lea 2 pluss 3? Pippi geahčai skealbma čalmmiiguin oahpaheaddjái: -Na, jos dan it dieđe ieš, de ále gátte ahte mun goit dan dutnje muitalan.

Buohkat gehčče suorganemiin Pippii, ja oahpaheaddji dajai ahte nie ii leat heivvolaš vástidit skuvllas. 2 pluss 3 lea 5, dajai oahpaheaddji. –Geah, don han máhttet ieš vástidit riekta, huikkádii Pippi. Oahpaheaddji ii beroštan, ja jearai. –Na Pippi, ollu jáhkát 1 pluss 4 lea? – Na dat lea várra sullii 67, vástidii Pippi. -li leat, dajai oahpaheaddji. 1 pluss 4 lea 5. li-hii, dál gal dájut, ieš han don aitto muitalit ahte 2 pluss 3 lea 5. Ammal jo veaháš ortnet lea dán skuvllas.

-Go jo du mielas lea nu somá hállat dieid duššiid birra, manne dalle it čohkket muhtin čihkii rehkenastit ja divtte min earáid stoahkat. Oahpaheaddji ii beroštan, ja álggii earáid jearahallat. –Sáhtát go don Tommy muitalit munnje man galle eahppela leat Liissás ja Ovllás oktiibuot go Liissás leat 7 ja Ovllás 5 eahppela? –Na beare vástit Tommy. –Fertet vel muitalit munnje gii šaddá sivalažžan jos Liissá oažžu čoavjebákčasa, ja gos soai leaba eahppeliid suoládan, dajai Pippi.

Oahpaheaddji i beroštan, ja jearai Annikas ges: -Jovvna leamaš skuvlamátkkis. Sus lei 10 ruvnnu go manai ja 7 ruvno go bođii ruoktut. –Man galle ruvnnu lei Jovvna geavahan? –Na, muhto mun háliidan diehtit manne son lei ruđa geavahan duššás? Lei go bruvssa oastán? –Ja, lei go muitán beljiid bures bassat ovdal go vulggii? Jearai Pippi.

De gal oahpaheaddji heaittihii rehkenastima dán diibmui goitge.

saltkrakan.se/astridlindgren.se lea addán midjiide lobi geavahit dán teavstta. Jorgalan sámegillii: ČállidLágáduš.